



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annotationes Ioannis Bugenhagij Pomerani in decem
epistolas Pauli**

Bugenhagen, Johannes

Basileae, 1524

VD16 B 9232

Capvt IIII.

urn:nbn:de:hbz:466:1-36165

ANNOTAT. IOANNIS POM.

Si hæc uera sunt, quid doctrinis & traditionibus
humanis uexaris?

C A P V T I I I I .

A Diurat rursum Timotheum, ut omnibus mo-
dis undecunq; accepta occasione, quocunque
tempore perga*t* exequi, quæ sui sunt muneris: id est,
ut prædicet instanter, siue tempestiuam siue intempe-
stiuā prædicationē quis interpretetur, nihil referre.
Verbū deī sicut personis aut locis nō est alligatum, ita
neq; temporibus, utcunq; iudicetur. Semper uero
opus est, ut credamus & persistamus in tentationibus:
quandoquidē semper expectamus Christū uenientē,
quacunq; tandem uigilia noctis uenerit. Argue peccan-
tes, cōminare iudiciū dei duris, exhortare pios ut per-
gant, alios ut redeant ad cor. Vides hic mandari pre-
dicationē legis & euangelij. Lex terret, euangeliū

Lex,
Euāgeliū. consolatur. Atq; hæc, inquit, agito cum omni μακρο-
θυμίᾳ, id est longanimitate, qua patienter feras, &
non cesses à doctrina, si qui mox non credūt, si qui etiā
resistunt, forte post credituri, sicut supra, cap. 2.

Tolerantem malos, &c.

Porrò non frustra monet ita uigilare episcopū. Nā
inquit, tempus erit, quando sanā doctrinā non sustine-
bunt, &c. sicut supra diximus. Hunc populum stultū,
qui bonos prædicatores ejicit, & querit tales, qui

prudentibus auribus placeat, describit sic Esaias, cap.
30. Populus ad iracundiam prouocans est, &c.

Nam ipse iam immolor, &c.

Alia causa cur uigilet Timotheus: nam, inquit, ego
amplius huic negocio adesse non potero, qui iam im-
pleto meo ministerio, sum deo per mortem meam im-
molandus. Hoc iam per spiritum præcognouit Paul-
lus, quo simul Timotheo & omnibus episcopis, cons-
tatiæ & fidei scopū prescribit, ut suisimiles munus
demandatum exequantur, usq; in consumationem ui-
tæ, ut supra diximus.

Certamen bonum decertaui.

Non de se, sed de donis dei gloriatur, qui eum con-
fortauerat, ut hæc omnia perficeret: sicut alibi ait,
Omnia possum in eo qui me confortat. Quod uero
addit, reposita, &c. Nihil est quod hic meritū humanū
stulte cogites. De eo enim dicit, quod sibi repositū est,
& quod sibi reddendum est à deo, nō quod suis meri-
tis debetur. Filius enim erat Paulus & hæres, non ser-
uus mercenarius, qui non manet in domo in æternū.
Ipse acceperat omnia à deo, scilicet ut ab impietate
cōuerteretur ad Christū, fieret apostolus, ministerū
egregie expleret, &c. Et hæc ipsa dona deus coro-
nabit. Dei sunt nostra merita, & dei sunt nostra præ-
mia: & rursum ipsius oīa nostra sunt, quia filii sumus

ANNOT. IOANNIS POMERANI

quotquot Christi aduentum diligimus, cuius aduentum certe impij non diligunt: uellent enim nunquam uenturum, &c.

Da operam.

Quædam familiaria scribit.

Alexander faber ærarius:

Duo genera describit illorum qui fauere uidentur euangelio, sed probantur in tentatione. Nam alij resistunt, & incipiunt oppugnare uerbum ueritatis, sicut Alexander: qui ut lupi cauendi sunt, qui suam mercedem apud iustum iudicem inuenient. Alij infirmitate humana dissimulant, non audentes palam confiteri quod credūt: illis hoc ipsum non imputetur: erūt enim olim per Christum fortes, qui adhuc imbecilles sunt. Ex quorum numero fuerunt, qui Paulum deseruerūt, cum primum coram Nerone sisteretur: quod tamen tam triste malum cessit in maiorem Christi & euangelij gloriam, seruato eo, quem omnes deseruerunt: ut prædicatio euangelij per eum in gentibus completeretur. De quo nunc gloriatur, quod in manu dei perire non possit, dicens: Et eripiet, &c.

F I N I S.